



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Friderici Forneri Theologiæ Doctoris Canonici Ecclesiæ  
Collegiatæ diui Stephani Bambergæ, De Temulentia  
Malo, Eiusque Remediis, Variis Item Scitu Iucundissimis,  
nec non vtilissimis de rebus, quæ in ...**

**Förner, Friedrich**

**Ingolstadii, 1603**

Cap. X. Cùm peccata in Ebrietate commissa neutiquam culpa vacent,  
meritò ab ea desistendum.

**urn:nbn:de:hbz:466:1-45433**

dicatam, atq; consecratam, deiicis, pedibus procul-  
cabis, æternis gehennæ incendiis non conflandam  
sed in flammandē atq; exurendam trades? Qui ex-  
animem hominis imaginem afficit iniuria, severe  
punitur: qui immortalis Dei viuam imaginem de-  
struit, impietatem nulla subsequente vindicta expia-  
bit? Non minus quàm innocentis Abelis, sanguis i-  
ste innocens, contra sparsorem suum homicidam,  
vindictam in clamabit atq; à Deo expetet eò seue-  
riorem, quò tardio rem; cum plumbeis pariter ac  
laneis ea pedibus incedat.

statu l. qui  
statuas.

Gen. 4.

CAPVT X.

*Cum peccata in Ebrietate commissa, neutiquam  
culpa vacent, merito ab ea desistendum.*

**A** Pittaco Mitylenæo lege constitutū accepimus.  
Vt qui per temulentiam, sceleris aliquid admi-  
sserit, dupla piaculum pœna luerent. Vt formidine  
supplicij à vino promptius abstinerent: quod teme-  
rarium vulgi effugiū, ebrietatis obtentu, quæuis fla-  
gritia extenuantis, planè subruit ac funditus euertit.  
Tantum enim abest, vt haud solum non excuset, sed  
et plurimū augeat, criminū patratorum grauitatem.

Diog. La-  
ert. l. 1. c. 5.  
Et Alexan.  
ab Alexan.  
Genial.  
dierum.  
lib. 3. ca. 2.

Qua de re, ne ego incudem nimium pulsasse dici  
possim, si quod mea fert opinio, meismet adduxis-  
sem verbis, doctissimum Cardinalem Toletum con-  
sultite, proponit is quodam in loco eiusmodi que-  
stionem. *An actus mali, quos Ebrius facit, vt si vulne-  
ret, blasphemet, &c. sint peccata?* Et hac responsio-  
ne difficultatis nodum extricat. *primò. Cum Ebrius  
contra omnem suam culpam factus est Ebrius, tunc nul-  
lam contrahit culpam, per tales actus malos. Casus hic ve-  
rò, ne vix quidem, ni fallor, eueniet.*

Questio-  
Lib. de 7,  
peccati ca-  
pitalibus  
cap. 61.  
Responsio  
bipertita  
cum distin-  
ctione

Secun-

*Secundo, cum culpabilis fuit ebrietas, tunc si solitus erat aliàs inebriari, esse furiosus, blasphemare, vel simile facere, peccat, non solum peccato Ebrietatis, sed aliis omnib<sup>9</sup> quoq; quæ in Ebrietate committit. Quare vt propositæ rei veritatem dignoscas, alterius Thesei filo, non erit opus.*

*Reiicitur  
prima Te-  
mulentorum obie-  
ctio.*

*Erasm. l. 5.  
Apop.!*

Sunt verò nec pauci, nec rari clientes, *Liberi patris* qui ad excusandas excusationes in peccatis, quoddam Dionysij Tyranni factum, pro se in forum detorquent. Is cum audisset, à duobus adolescentibus, conuitiis ac dicteriis, in quodam symposio, se grauius læsum, atq; ob sæuitiam publicè taxatum, ambos vocauit ad cœnam. animaduerso tandem, alterum largius potum, multa nugari, atq; gesticulari; alterum rarò, cautissimeq; bibere. Illum dimisit, vt qui natura vinolentus, per temulentiam maledicus fuisset: hunc interfecit, vt qui studio, maledicum se præstitisset, & hostem.

Sed abeat ò temulenti, abeat & faceffat hic fucus vester, ad rem nihil faciens, ad extenuandam temulentiaè culpam haud magis, quàm asini lana ad texendam purpuram conducens: Nam eius Tyranni factum, etfi quandam ostentare prudentiam videatur, quid aliud est, quàm crudelitatis quoddam velum, & inuolucrum?

*Refellitur  
altera Te-  
mulentorum obie-  
ctio.*

Prætextum alium obtendunt alij. Syluester inquit, & Summistæ complures docēt. Eo quod Ebrii amentes sunt, non valere vllos contractus, ab iis in ebrietate factos, Imò nec matrimonium; nec qui in ludo lucrantur ab Ebriis, posse retinere; sed teneri ad restitutionem. Quid nì ergò & peccata excusantur, cum Ebrius reputetur vt amens?

Sed ex harena funiculos nectitis ò vini gurguliones. pacta & matrimonia temulentorum, non valent.

unt. Esto; Sed cur? Siciura volunt. Qui lucratur  
 Ebrio, inscium spoliat suis bonis.

Addo, in Contractibus præcipuè matrimonij,  
 quo validi censeantur, maxima libertas animi atq;  
 voluntatis exoptulanda. De lusus lucro si loquar,  
 ut aliena quis istè possideat, dominij translatio de-  
 buit interuenisse; Quam quis ab Ebrio, pro amente  
 reparato, flagitabis? Alia de peccatis est ratio liber-  
 tatis. Nam tamen nullum, Augustino teste, pecca-  
 tum absq; liberæ voluntatis aduertentia committi  
 possit; sufficit tamen non raro, ut libertas illa, si non  
 in ipso peccati actu, saltem in eius causa reperiatur.  
 Ergo tu qui liberè voluisti inebriari, quadam iuris  
 fictione censeris etiam, peccata ex Ebrietate ma-  
 nantia, liberè voluisse. En tibi omnis effugij rimula  
 interclusas.

## CAPVT XI.

*Omnium virtutum, præcipuè castitatis ruina tem-  
 mulentia faciat nos merito insensos.*

Potuissent ea sufficere, quæ huic argumento, su-  
 periori libro satis largè ac liberaliter suppedita-  
 uimus. Sed hic alia quædam, in castitatis præcipuè  
 gratiam, adijcienda videbantur.

Ferox equus bis pastus, ac saturatus affatim, si  
 addatur & otium, haud frænari se passus est vn-  
 quam, quin & persapè sessorem, cum omnibus, qui-  
 bus condecorabatur ornamentis, Ephippio excus-  
 sit atq; in præcipitia deuoluit. Quisnam sternax iste  
 caballus? Indomita caro tua, quæ auiditate insita,  
 cæcis potuq; largius inferta, sessorem animum, omni-  
 cum virtutum decore ac pulchritudine, statu suo  
 deturbatum, in variorum flagitiorum Cœnum ita  
 immer-

*Caro equi  
 indomita;*